

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 016973 22 V

Novi Travnik, 31.08.2022. godine

Kantonalni sud u Novom Travniku, sudija Nijaz Krnjić, u vanparničnom postupku predlagateljice P. R. P. kći S., nastanjena na adresi ulica ..., M., R.H., zastupana po punomoćnici Dijani Hadžijusufović advokatici iz Bugojna ulica Bosanksa broj 42., protiv protupredlagatelja Ž. P. sin F., nastanjen na adresi ulica ..., M., R.H., radi priznanja strane sudske odluke o razvodu braka, dana 31.08.2022. godine, donio je slijedeće:

RJEŠENJE

Priznaje se presuda o razvodu braka Općinskog suda u Splitu, Stalna služba u Makarskoj, Republika Hrvatska, Poslovni broj: 76P Ob-178/2017 godine, koja odluka je pravomoćna dana 13.09.2017. godine i ovršna dana 28.09.2017. godine u I (prvom) stavu izreke kojom se razvodi brak između predlagateljice P. R. P., rođene ... godine u B., B i H i protupredlagatelja Ž. P., rođenog ... godine u M., R.Hr., koji je zaključen u M. ... godine i upisan u Maticu vjenčanih matičnog područja Makarska pod rednim brojem ... za 2001. godinu.

Troškove postupka snosi predlagateljica.

Obrazloženje

Predlagateljica je putem punomoćnice Dijane Hadžijusufović advokata iz Bugojna, ovom sudu dana 08.08.2022. godine, podnijela pismeni prijedlog za priznanje strane sudske odluke o razvodu braka Općinskog suda u Splitu, Stalna služba u Makarskoj, Republika Hrvatska, Poslovni broj: 76P Ob-178/2017 godine, koja odluka je pravomoćna dana 13.09.2017. godine i ovršna dana 28.09.2017. godine, a kojom je razveden brak između vanparničnih stranaka. Predlagateljica je uz prijedlog priložila slijedeće dokumente: original stranu sudsku odluku čije se priznanje traži i original punomoć za zastupanje izdatu od predlagateljice kao vlastodavca.

Ocjenjujući osnovanost prijedloga za priznanje strane sudske odluke ovaj sud je utvrdio da se radi o stranoj sudskoj odluci o razvodu braka između državljanina Republike Hrvatske koji je zaključen u M. ... godine i upisan u Maticu vjenčanih matičnog područja Makarska pod rednim brojem ... za 2001. godinu, da je odluka čije se priznanje traži postala pravomoćna dana 13.09.2017. godine i ovršna dana 28.09.2017. godine, da je odluka donesena od nadležnog suda, da su obje stranke učestvovala u postupku koji je prethodio donošenju te odluke, da odluka nije protivna odredbama Ustava Federacije BiH, da se reciprocitet pretpostavlja, te da nije povrijeđen međunarodni javni poredak. Također je utvrđeno da strana sudska odluka udovoljava uvjetima za priznanje u državi čiji su

državljeni vanparnične stranke, te da predlagateljica obzirom da je rođena u BiH(B.) ima pravni interes da se strana sudska odluka prizna od strane ovog suda.

Imajući u vidu naprijed izloženo, ovaj sud je udovoljio prijedlogu i priznao stranu sudske odluke u skladu sa odredbama člana 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima ("Službeni list SFRJ" br. 43/82, 72/82, "Službeni list R BiH" br. 02/92), koji Zakon je preuzet kao republički, a potom kao federalni i koji se primjenjuje u skladu sa članom 458. Zakona o parničnom postupku ("Službene novine F BiH" br. 53/03, 73/05, 19/06 i 98/15) i članom 28. stav 3. točka e) Zakona o sudovima u Federaciji Bosne i Hercegovine ("Službene novine FBiH" br. 38/05).

Troškove postupka snosi predlagateljica o čemu će sud donijeti posebno rješenje.

Na osnovu navedenog odlučeno je kao u izreci ovog rješenja.

Sudija
Nijaz Krnjić